



Komunikado di Prensa

19 di febrüari 2020

Cft: "Tarea struktural mester tin finansiamentu struktural"

The Bottom – Kolegio di supervishon finansiero di Bonaire, Sint Eustatius i Saba (Cft) ta konstatá ku e proseso presupuestario i di responsabilisashon, i e maneho finansiero na Saba ta sigui riba un nivel sufisiente. Tambe e Kolegio ta konstatá ku te ainda ta finansiá sierto tarea struktural den forma insidental.

For di aña 2014 Saba a risibí deklarashon aprobatorio di akountent pa tur kuenta anual, i e otro dokumentonan presupuestario i reportahenan di ehekushon ta kumpli ku e normanan rekerí. Sinembargo, Cft ta identifiká un kantidat di reto ku Saba lo mester atendé den e próksimo periodo, den kooperashon ku Hulanda. Ta trata prinsipalmente di desaroyo di kobertura struktural den e presupuesto anual pa e tareanan struktural i kreashon di sufisiente kapasidat di resistensia.

Finansiashon struktural pa tarea struktural

Na 2019 Estado Hulandes i Entidat Públiko Saba a akordá e asina yamá "Saba Package", den kua ta indiká entre otro ku tur dos lo hasi nan esfuerso pa finansiá tarea struktural ku rekurso struktural. Pa kada ministerio lo determiná kon lo realisá esaki. Na òktober 2019 Gabinete Hulandes a indiká tambe den su reakshon riba e informashon di Konseho di Estado i e Investigashon di Maneho Interdepartamental ku lo akclará i strukturá di nobo e partishon di tarea, pa despues investigá si e '*vrije uitkering*' (fondo ku por invertí libremente, i ku Hulanda ta pone disponibel, inkluso impuesto di Hulanda Karibense) ta kuadra den e pakete di tarea pa e entidatnan públiko. Cft a palabrá ku Kolegio Ehekutivo ku nan lo determiná konhuntamente kiko ta bai hasi.

E presupuestonan di 2019 i 2020

E di kuater reportahe di ehekushon di 2019, riba kual Cft a duna konseho resientemente, tin un saldo positivo di USD 0,1 mion. E proyekto di presupuesto di 2020, kual Cft a risibí 16 di òktober 2019 pa duna konseho riba dje, ta balansá. Esaki a logra ku hopi esfuerso. Saba a hañ'e obligá ta redusí e sumanan presupuestá riba sierto pòst, kompará ku e añanan anterior. Por ehèmpel, a baha e pòst 'Imprevisto' di un montante 100 mil dòler na 2019 te na e montante di 22 mil dòler na 2020. Cft a konsehá Saba pa añañá un eventual surplus na 2019 na e presupuesto di 2020. Cft ta di opinion ku e presupuesto di 2020 ta kumpli sufisientemente ku e kriterionan. Konseho Insular a aprobá e presupuesto di 2020 riba 13 di novèmber i Ministerio di Asuntonan Interno i Relashon den Reino (BZK) a ratifiká esaki riba 3 di desèmber, konforme konseho di Cft.

Durante e bishita na Saba djamars 18 i diáron 19 di febrüari 2020, Cft a hiba kòmbersashon konstruktivo ku Kolegio Ehekutivo i ku Konseho Insular.

[Fin di e Komunikado]

Foto:
Cft

Teksto pa foto:

Saba lo mester atendé sierto reto den kooperashon ku Hulanda, den e próksimo periodo.

Nota pa redakshon– no pa publikashon



COLLEGES FINANCIËEL TOEZICHT

De Rouvilleweg 39
Willemstad, Curaçao

Frontstreet 26 Convent Building
Philipsburg, Sint Maarten

L.G. Smith Boulevard 68
La Piccola Marina
Oranjestad, Aruba

Persona di kontakto na Cft:

Sekretariado Kolegio di supervishon finansiero
Ray Thuis – Sekretario
Telefon (+5999) 461-9081
Email info@cft.cw
Website www.cft.cw

Persona di kontakto pa Prensa:

Jefka Martina
Telefon (+5999) 512-6861